

新疆建置志

新疆建置志卷二

醴泉宋伯魯芝田撰

吐魯番

北極高四十四度四分距京師偏西二十六度四十五分夏至晝長六十刻十二分夜長三十五刻

三分冬至晝長三十五刻三分夜長六十分刻十二分正日景夏至長三尺九寸六分冬至長二丈五尺四寸五分

春秋分長一丈零二分按竹葉亭雜記云寶獻山相國自吐魯番來因言彼地望月中影似加明晰望天河中白氣

乃是小星吐魯番較京師高一百五十餘里去天較京師將近一度又云夏小正曰漢案戶謂天河也今吐魯番於

六月望河乃當東廂房脊蓋其地在漢車師前王庭地漢書

西域傳王治交河城晉為高昌郡北魏為高昌國北史高昌者車師前王之

百里南北五百里四面多大山地勢高敞人庶昌盛因名

高昌亦云有漢時高昌壘故以為號東去長安四千九百里漢西域長史及戊己校尉並居於此晉以其地為高唐

昌郡張軌呂光沮渠蒙遜據河西皆置太守以統之唐

滅之以其地為西州

唐書貞觀中王文泰與西突厥連結諸國朝貢者路出高昌擁絕之太宗

怒拜侯君集為交河大總管討滅之以其地為西州以交河城為交河縣始昌城為天山縣山北城為柳中縣東鎮

城為蒲昌縣高昌城為高昌縣初西突厥遣其葉護屯兵於可汗浮圖城與高昌為影響至是懼而來降以其地為

庭州並置蒲類縣每歲調內地更發千人鎮遏焉

置安西都護府後徙都護於龜

茲改置金山都護府天寶初置交河郡隸縣五曰柳中交

河蒲昌天山其一則前庭也

本高昌寶應元年更名

安史之亂陷於

吐番五代時為回鶻所據

辛卯侍行記懿宗咸通七年回鶻大酋僕固俊自北庭取西州

回鶻旋分三部曰和州回鶻曰阿薩蘭回鶻曰高昌回鶻均服屬於遼兼貢於宋於金高昌王并有北庭為諸國渠

首 宋建隆初西州回鶻阿都督等入貢

太宗時遣供奉官王延德使高昌歸

譟高昌行記以獻

宋末號輝和爾

辛卯侍行記西遼後又封吐谷渾裔畏兀兒於交河其酋曰月

仙帖木兒亦都護傳子巴而木阿爾特的斤西遼遣使監其國其酋殺之降於元元太祖使尚公主亦作輝和爾

即畏吾兒也元平之設畏吾都護元史譯文證補畏兀兒部名北自別失八里至

哈刺火州以南皆其轄也元史屢見畏吾兒亦作畏兀兒所謂高昌國王亦都護是也畏吾兒即唐之回紇元祕史

作委兀又作委吾邱長春西遊記至昌八刺城其王畏吾兒中國北方讀回如輝統覈諸書實應作畏作委不當作

回其誤由於唐書至紇與吾兀北方字音無大區別今西人書作畏孤兒西人無紇兀等字故訛為孤阿卜而嚶錫

書訓義為聚言其氣類合聚不復離散可為唐書回紇傳注解太祖次子察罕岱封於此

元末分為柳城火州吐魯番明為火州地辛卯侍行記元歐陽元高昌與

氏家傳云高昌者今哈喇和綽也元地志附錄作合刺火者阿木傳作哈喇霍州耶律希亮傳作哈刺火州明史火

州與安定曲先諸衛統號畏兀兒按後稱吐魯番其酋自西域圖志改火州為哈刺和卓誤

亦僭稱王成化初其酋破哈密數為邊患萬曆中復入貢明史西域

傳成化九年土爾番酋據哈密十八年哈密都督罕慎克之弘治元年誘罕慎殺之復據其城正德九年犯肅州嘉靖三年寇肅甘州而賊黨牙蘭率所部來歸勢漸孤弱萬曆朝入貢不絕清興來入貢旋以助逆回丁國棟絕其使後復叩關請貢然與準噶爾為鄰常服屬乾隆中內屬辛卯侍行記據東華錄國初吐魯番有朗琥伯舉入貢稱蘇勒擅阿布勒阿哈默特阿濟汗六年其黨哈什克伽助逆回丁國棟為亂遣兵斬之絕其貢使十年復叩關請貢十二年用葉爾羌酋名悔罪乞貢納之定貢期五年一至康熙十二年貢表稱馮木特賽伊特汗署一千八百二十三年用回教紀元也二十年表稱阿布勒穆咱帕爾蘇勒擅瑪哈瑪特額敏巴圖爾哈什汗二十五年表稱臣成吉思汗裔承蘇賚滿汗業此蓋由蒙變回之證五十九年散秩大臣阿喇納擊破齊克塔木降皮禪城吐魯番之阿克蘇爾坦及總管沙克札伯爾率眾迎降別有頭目阿濟斯和卓走策妄阿喇布坦所明年率準夷來脅吐魯番數千戶徙喀喇沙爾脫歸千餘戶聚魯阿齊木推托克托瑪木特為酋拒準夷遣使內附靖逆將軍富寧安

益阿喇納兵四千往守九月準夷二千來侵擊破之授阿喇納爲協理將軍令興屯焉雍正元年都統穆森代之三年策妄阿喇布坦乞和求得吐魯番地纏回願內徙者六百五十餘戶四年安置金塔寺威虜堡諸地仍以托克托瑪木特爲長留魯克沁者尚萬數以阿瑛額敏和卓爲長五年吐魯番回目白斤伯克請入貢上以我師難於庇護聽自便不强其歸順八年寧遠大將軍岳鍾琪以己意遣官往購糧啓敵釁九年三月準夷侵吐魯番護理大將軍四川提督紀成斌令總兵樊廷率二千人往援賊遁師旋四月賊圍魯克沁額敏和卓力守四旬不下復攻哈喇和卓回衆拒斬五百級岳鍾琪令總兵張元佐曹勳等以三千人往救賊遁七月復來侵副將王廷瑞擊走之十年夏噶爾丹策凌遣宰桑額爾克得松攻喀喇和卓參將劉廷炎戰却之九月護理大將軍事副將軍張廣泗奏吐魯番防兵八千五百人分駐七邑請徙兵民聚居魯谷慶哈喇火州皮禪洋海以便防範十月額敏和卓爲札薩克輔國公徙其民萬餘口於塔勒納沁十一年復徙之瓜州乾隆二十年額敏和卓從征伊犁加封鎮國公時吐魯番遺民千四百餘戶有伯克莽噶里克者偕其弟以戶籍迎降於定西將軍永常所同時定北將軍班第奏吐魯番舊酋莽

蘇爾爲元太祖裔今在喀喇沙爾應遣歸廷臣恐與額敏和卓不相安寢其議二十一年額敏和卓奏吐魯番不復有蒙古裔瓜回願歸故里從之莽噶里克請視額敏和卓編旗隊詔封公爵割吐魯番西境自伊拉里克至阿斯塔克與之尋貳於巴雅爾額敏和卓拒賊固守加封貝子二十二年安西提督傅魁進軍鹽池莽噶里克恨準夷誅求無厭馘十人迎降魁欲邀功擅殺之以擊斬告事覺誅魁宥莽噶里克妻孥其地統屬額敏和卓加貝勒品級明年從靖逆將軍雅爾哈善討霍集占授多羅貝勒兼參贊大臣克庫車加郡王品級二十四年從定邊將軍兆惠討平葉爾羌晉封郡王留葉爾羌辦事設闢展辦事大臣及同知二十六年威虜堡回民西歸以千戶珈如拉百戶伊明和卓爲五品伯克其莽噶里克等屬戶亦分設伯克領之皆隸闢展大臣轄二十七年免吐魯番納糧以哈喇和卓托克遜屯田給回民爲世業四十二年額敏和卓卒次子素賚滿襲四十四年以罪削爵弟伊斯堪達爾嗣改闢展辦事大臣爲吐魯番領隊大臣移同知都司來駐四十六年築廣安城五十三年詔吐魯番世襲封爵不必降等吐魯番舊作土爾西北至鎮迪道治所五百三十里其界東番至是易今名

至鄯善南至羅布淖爾西至焉耆北至孚遠皆其屬也東西

入百一十里南北有莊二十曰勝金西城曰三堡東城曰二堡東城

城曰洋海東城曰東坎爾南城曰雅爾巴什南城曰二工南城曰西

寧工南城曰頭工南城曰雅爾湖西城曰雅木什西城曰督干湖西城

曰托克遜西城曰伊拉里西城曰庫木什西城曰榆林工北城曰葡

萄溝北城曰煤窰溝北城曰沙河子北城曰本頭溝北城地當孔道

為南疆門戶自前代以來數用兵同治初安集延酋怕夏

父子襲據之光緒三年北路大定劉錦棠遣兵破其壘城

遂復鄉土志同治三年夏庫車回酋伊薩克和卓叛東竄吐魯番漢裝回嚮應領隊大臣榮慶死之尋為迪化

漢裝回所據九年二月安集延纏回來爭迪化回殺吐魯番回千計四月安集延怕夏胡什伯克率眾數萬復仇揚

言助中國討賊八月迪化賊酋遣馬仲乞和復却怕夏營
怕夏怒擊破吐魯番諸城殺迪化賊黨殆盡築新壘以降
者馬人得等守之時哈密大臣文麟景廉齋檄諭怕夏納
土而夏怕已西還矣光緒二年怕夏次子海克拉守托克
遜陝回白彥虎降於怕夏助守吐魯番種族不一陽合陰
離纏回不堪安夷之虐咸願歸順統領湘軍劉錦棠討平
之七年以阿克拉依都之子瑪木特襲郡王十年重修漢
城罷領隊大臣以同知游擊治之廳治原隸甘肅回城及
闢展各設巡檢十回衆之脅從及流亡皆反耕而漢民牽
二年改隸新疆

車服賈者亦緝至焉初吐魯番有漑田若干頃及故雲貴

總督林則徐謫戍伊犁始濬托克遜及伊拉里克等渠復

增穿井渠通水民用温給按井渠俗名坎兒其制激水上行若掘井然繼以地洞每洞相距約數丈直行而下賡續不絕此法蓋始於漢按溝洫志

嚴熊言臨晉民願穿洛以漑重泉以東萬餘頃故惡地誠

卽得水可令畝十石於是爲發卒萬人穿渠自徵引洛水
至顏下岸善崩乃鑿井深者四十餘丈往往爲井井下相

通行水水墮以絕商顏東至山領十餘里間井渠之生而自此始穿得龍骨故名曰龍首渠作之十餘歲渠頗通

同時遣戍有故布政使黃冕者復大開伊拉諸渠然皆未

竟而罷其後軍旅數動耕者益寡又官司如傳舍不遑暇

故水利弗興然土宜六穀重穆蔬果朽按朽一作棉又名白疊舊唐書高昌

傳有草曰白疊國人取其花織為布文獻通考高昌有草其實如繭中絲如纒名白疊子國人織以為布交市用焉

今纏回呼棉花曰帕克塔猶古音也桑之屬而朽蒲桃每歲陸運由伊犁以

賈俄國道歸化以商內地以斤計之朽率三百萬蒲桃率

二百萬古者釀用蒲桃按文獻通考高昌國中多蒲桃酒史記稱大宛以蒲桃為酒富人藏

酒至萬餘石久者數十年不敗張華博物志西域蒲桃酒可至十年蓋自張騫使大夏僅得其種而未傳釀法惟唐

書載太宗破高昌收馬乳蒲桃種於苑中併得其酒法仍自損益造酒成綠色芳香酷烈當時詩人吟詠者至比之

甘露瓊漿惜禁中秘方民間無從得之今猶然然不中食蓋古法不傳久矣

而每歲桑黓熟時吐人就樹下擷而啗之以當飯或三月

不火食其處敲蒸當暑皆竈地以居夜則出火山在其北

其上恆歎煙霧鬱攸不息傍城山皆赭秃無寸綠火山之

支也故元以其地爲火州或易火州爲更北則盛夏積雪

不消矣始北魏之時王麴嘉好儒術麴太平襄畫魯哀公

問政孔子像於室有毛詩論語孝經歷代子史集置學官

子弟以相教授正光元年又遣使奉表乞借五經諸史並

請國子助教劉燮爲博士皆許之其後拜浮屠文獻通考

天神兼信佛法又按王延德高昌行記高昌佛寺五十餘區皆唐朝所賜額寺中有大藏經唐韻玉篇經音等續文

獻通考曰明永樂十二年吏部員外郎陳誠至其國言市里居民僧堂過半亦皆零落又云其俗多匈奴烏魯事神信佛象胥錄曰吐魯蕃室居奉佛多明末改奉天方教按

僧寺有靈山十萬羅漢湟槃處也木特玉素謨罕默德二十六世孫也當明季與其兄弟分適各國自默德那遷喀什葛爾羣以聖裔奉之適額魯特方強盡執元裔回部舊汗遷居天山以北以謨罕麥德爲於是各城始有回酋而回教始盛行焉

聖人禮拜誦經朝汗西域三種纏回朝汗有二處一墨克即謨罕默德生處也其地有大黑石

周里許相傳數千年前降自天有靈跡作殿其上規制闕敞殿中開瓦樵一孔使日月之光逗臨聖座牆周一百五

十丈高七尺有奇正殿門四十一燃玻璃燈以六七十計地鋪氍毹廬苑相屬附殿多建禮拜寺四面浮屠七中空

有路可盤旋而上凡進殿禮拜必沐浴裸體纏白布殿側甘泉湧流謁聖者又必先飲而後膜拜往朝男女每歲無

慮數十萬叩祝以五日爲期距殿六十里許一山曰兒勒巴特有大阿訇乘白駝獨上絕頂趺坐念經拜朝者悉羅

拜於下傍晚還至距殿四十里之山曰密喇威憩於此每至諷經必多屠牛羊施給附近窮民富者二三千頭貧者

新疆建置志卷二 六 關中叢書

亦必一二頭叩祝之日天氣清明雖雨必霽殿內待香火者三百人燃燈拂塵者千餘人斂屍骸者七百家並有乙麻目卽率領念經之住持三百六十人墨總卽發信念經之衲子七百人皆由土耳其國按給衣糧額設防兵三千有兵官同我國之協鎮者領之並派土著頭目協治殿事級視知府其處一面瀕水三面依山沙淤土瘠不產五穀惟松柏槐楊葡萄棗果蔚然扶疏而已一默德那卽謨罕默德葬所也其地城郭高鞏周四十餘里塗以白堊雉堞以赭石砌之門七皆衣鐵風景人物與墨克略同惟地鄰海灣半屬沮如藪澤終日朝霾數至觸之生病五穀亦不甚生相傳謨罕默德葬時斂以鐵棺經久不朽墳上以銅鐵鑄欄干圍之上建重閣環建禮拜寺各高十丈並豎玉柱十八根四面寶塔五座晚間內外燃琉璃燈以三千計墳前設巨燎二各重五百觔鐵架肩之地鋪綠毯千幅華麗炫目寺內乙麻目與墨總七百二十人侍墓闈官三百人燃燈掃地鋪毯者一千五百人收屍掩骸者百人尋常禮拜領拜者三百六十人侍茶水者五百人額設防兵萬二千人領兵官十二員兵之餉糧侍墓人役衣糧暨油燭器用皆出自土耳其國此二處彼教稱爲聖地以瞻拜爲榮男女往朝謂之阿吉在道死者謂獲神佑生還者謂之

假阿吉至今回俗每年往謁者尚絡繹不絕焉告之以詩書則走開省置義塾拔齟齬者教之而亦無所成然恁於耕作故五民之中農得十七商工得十二蓋麴氏之流風杳矣初麴氏表求內徙詔曰彼之氓庶是漢魏遺黎自晉氏不綱因難播越成家立國積世已久惡徙重遷人懷戀故由是觀之魏以前高昌皆漢族也而其王張孟明馬儒又皆華產故其俗重儒自五代以後其地入於回鶻麴氏之澤旣斬浮屠之說風行數百年中梵宇至五十餘區故杜佑曰其俗事天神信佛法其後二千餘年而瑪木特玉素始至喀什噶爾稱聖裔可蘭之說熾矣又高昌舊俗習尙音樂行者必抱樂器

文獻通考西魏與高昌通始有高昌部之樂以備燕享隋
開皇中高昌國獻聖明樂曲唐太宗伐其國盡得其樂其
器有豎箏篪篪琵琶五絃笙笛簫觥篋毛圓鼓都曇鼓答臘
鼓腰鼓羯鼓雞婁鼓銅鼓銅鼓銅鼓等十五種為一部工二
十人舞人白襖錦袖赤皮鞞赤皮帶紅抹額隋自開皇初
置七部樂六曰龜茲伎唐太宗增高昌其著令者十部六
曰龜茲八曰疏勒九曰高昌而總
謂之讌樂後又分為坐立二部 自唐滅高昌樂工散亡

其後沒於吐番據於回鶻畏兀至於宋明更姓迭主疇昔

侏離無復存者 按孝經鉤命訣云西方之樂謂之侏離鄭
康成注周禮曰東方為昧西方為侏離毛

萇詩 傳同 今回部所有八器 施絃者四曰哈爾札克曰喀爾奈
曰喇巴卜曰色塔爾竹一曰把拉

滿狀類管銅一曰蘇爾奈狀類小銅角三曲 曰斯納滿愛
鼓二曰達卜曰納噶喇詳見西域圖志 慕其人之辭

曰色勒噶斯拊掌行樂之辭 曰珠
魯馬前鼓吹之辭詳見西域圖志 衡以隋唐讌樂不逮其

半又名實繁淆莫由訂正乃知西域古樂不傳者多也其

東爲鄯善鄯善故闕展地也

北極高二十四度五十二分距京師偏西二十五度四十分

五分夏至晝長六十刻十分夜長三十五刻五分冬至晝長三十五刻五分夜長六十刻十分午正日景夏至長三

尺五寸二分冬至長二丈二尺二寸春秋分長九尺二寸八分闕展爲漢狐胡國晉以後

爲高昌唐爲柳中縣地宋復爲高昌雍熙間頻入貢所統

有南突厥北突厥大衆馱小衆馱樣磨割祿黠戛司末蠻

格哆族預龍族後屬於遼元爲魯克察克地明爲柳城清

興其地內屬

按饒巡撫新疆設郡縣疏云闕展故鄯善國故以鄯善名縣今考闕展古狐胡國非鄯善

也以闕展爲鄯善自魏源何秋濤始按漢書狐胡國王治車師柳谷西至都護治所千一百四十七里其地在白龍

堆西北蒲昌海東北與鄯善無涉鄯善古樓蘭在蒲昌海之南晉法顯佛國記由燉煌西行十七日至鄯善由鄯善

十五日至雋彝三十五日至于闐皆傍南山行是鄯善在蒲昌海之南可知且漢書明言西北去都護治所千七百

八十五里西北去車師千八百九十里都護治烏壘今哈
刺沙爾之策特爾地車師今吐魯番若闢展則在烏壘車
師之東南去鄯善千餘里中隔白龍堆蒲昌海風馬牛不
相及何得指闢展為鄯善乎又水經注蒲昌海水積鄯善
之東北後魏書曰鄯善都城方一里北即白龍堆路又李
光庭西域圖考亦云由鄯善逾白龍堆至狐胡國治車師
柳谷即今闢展西百二十里之魯克沁地後漢長史居此
西距廣安城百二十里當日疏於考核以致名實相乖是
不可以其界東至哈密南至婁羌西至廳治北至奇臺皆
不辨也

其屬也東西五百四十里南北八百四十里分其地為八臺曰闢展即治城曰漢

墩城西四里曰運二工城西四里曰連木沁城西七里曰樹柏溝

有古碑一字漣漫不可辨城南三十里曰南梁即魯克沁一曰魯克察克城南九十里曰北梁

亦即魯克沁城南九十里曰吐峪溝蘇巴什附焉城西南百一十里按西域圖志闢展屬地二十九日塔

呼城東二百八十里自托來達巴西行二十里至北山下
峭壁削成曲徑如鑿無水草路可行車又三十里出山路

皆沙磧曰納呼城東二百八十里四圍皆山爲闢展東境
關隘曰齊克塔木城西七十里自納呼西入谷口山徑崎
嶇自高而下七十里就平地又七十里至齊克塔木可駐
牧有墩有城曰特斯城東四十里有墩有台一統志無新
疆識略無曰特庫斯城東二十里有墩有台有水北流名
巴哈言小也曰洪城東南二十里有城當山谷口曰楚輝
城西南二十里南倚金嶺背山爲城城東有泉新疆識略
作舒歸曰色爾啓布城西南六十里有水從北山下出南
流經城東新疆識略作色爾奇布曰魯克察克城西南二
百十里東有長河爲闢展東最大聚落唐柳中縣治也雍
正初年土爾番回會額敏和卓避準噶爾侵掠遷於此後
移駐瓜州西域平復還新疆識略作魯克沁曰連木齊城
西南八十里有小城新疆識略作勒木津曰雅圖庫城西
七十里有小城漢車師都尉國地新疆識略作雅土溝曰
罕都城西北一百里有土城西南有小山上有二墩相傳
漢時所築新疆識略作漢墩曰色巴什城西一百五里有
小堡迤西入北山口東西兩岸石壁削立或沙坡斜倚谷
間水流甚急艱於行漢郁立斯國地曰森尼木城東一百
三十五里有城二西有長河漢卑陸前國所謂乾當谷也
新疆識略作僧吉木曰洋赫城西南二百三十里有小城

一統志無新疆識略作英格今屬吐魯番曰哈喇和卓城西南二百六十里地方三里許即明之火州舊城已廢別居小堡土膏肥美水源北出金嶺下經沙磧至滲金口匯爲渠入哈喇和卓唐交州郡高昌縣治也今屬吐魯番曰阿斯塔克城西南二百六十五里有城相傳其先國師所居一統志無新疆識略作阿斯塔納今屬吐魯番曰玉門口城西二百七十五里東北兩山陡立徑寬平內外皆有墩台舊有關名古玉門關已毀存口玉二小字可辨爲土爾番哈喇和卓往山北大路漢玉門關實不在此蓋其國慕中國故以名其山口今屬吐魯番曰勒木丕城西南二百八十五里有小城西南四百里即羅布淖爾曰土爾番城西三百二十二里北倚金嶺嶺麓有泉南流周遶國城民資灌溉氣候溫暖無雨雪唐高昌縣有安樂城即此乾隆二十一年封莽噶里克爲札薩克公駐其地尋叛伏誅封額敏和卓子素賚滿於此今爲吐魯番廳治曰招哈和屯城南三百五十里招哈郭勒出其北郭勒之水分道南流環城左右即漢時交河舊地也北倚金嶺形勢佳勝民物殷繁新疆識略作交河城蓋招哈即交河之轉今屬吐魯番曰雅木什城西三百六十八里城周里許東倚金嶺今屬吐魯番曰安濟彥城西三百七十三里城周里許不

當孔道新疆識略作安吉彥今屬吐魯番曰布干城西三百八十三里有城周二里許新疆識略作波袞今屬吐魯番曰托克遜今屬吐魯番曰伊拉里克城西四百五十三里有城周里許闢展西盡境也今屬吐魯番曰汗和羅城西一百五十里天山下土爾番北鄙也山形環抱地勢幽敞漢卑陸後國新疆識略作漢和囉曰穆圖拉克城西北一百九十五里新疆識略作穆爾圖拉克今屬吐魯番曰布拉里克城西北二百五里漢劫國地今屬吐魯番按一統志無特斯克塔克洋赫三處新疆識略無特斯克而有濟木薩餘與西域圖志同又按乾隆四十四年以前吐魯番廳未設故西域圖志一統志皆以闢展爲屯兵要地其二十九屬皆統吐魯番而言之其後置吐魯番廳尚未設鄯善縣也故新疆識略二十九屬又統闢展而言之今畫界分疆各有統屬纏回爲地著有多羅郡王者領回部事然地名已數易矣

今稱葉郡王是也多羅郡王者名葉明和卓其先額敏和卓系出葉爾羌雍正十年封吐魯番札

薩克輔國公始移駐縣境魯克沁城領回部

事乾隆二十四年封多羅郡王至此九傳矣纏回劭於農

漢回徙自關隴視纏回十一視漢民十九皆雜居縣鄙而

聚族於附郭之東八棚及七克騰木西域圖志作齊克塔木魯克沁

漢墩連木沁諸處七克騰木者形勢險曠安集延所據以

抗官軍者也鄉土志同治三年安集延據鄯善七克騰木築壘以抗官兵幫辦新疆軍務劉錦棠遣營

官徐占彪攻克之賊奔鄯善城守死以拒徐占彪乘勝克捷斬獲甚衆安逆又招集闢展一帶賊衆分據魯克沁連

木沁等處會孫金彪軍至合師追襲直搗其穴縱兵大破之賊遁鄯善平土宜來牟朽桑井渠

鱗次無饑饉之虞山出煤炭石英即水熊狐之皮以裼裘

裊牛馬之韋以為鞮鞜鞞鞞獨羊羴羊之毳以索絢絙羶

羊之角以合藥餌往往獲奇羨而蒲桃朽東賈關內西賈

俄羅斯歲率百萬餘斤

鎮西漢匈奴蒲類王茲力支地也北極高四十三度三十分距京師偏西二十

三度夏至晝長六十一刻一分夜長三十四刻四分冬至晝長三十四刻四分夜長六十一刻一分午正日景

夏至長三十六寸七分冬至長二丈三尺七分國於四山之中瀕

蒲類海漢西域圖考自奇臺而東三十里入山五百六十里至肋巴泉塘山勢始開又東二百六十里而復

合山環如城中為巨泊今名巴爾庫爾淖爾即古之蒲類海也又按祁韻士西域釋地蒲類海一名婆悉海在城北

沙山之下東西一百餘里對岸廣數十里行人東漢時蒲

類遷阿惡按後漢書西域傳蒲類本大國其王得罪單于徙蒲類人六千餘口內之匈奴右部阿惡地

迫介匈奴常為戰地兩漢書宣帝本始二年五將軍征匈奴蒲類將軍約烏孫合擊匈奴蒲類

澤東漢明帝永平十六年竇固破呼衍王於天山追至蒲類海班超將兵別擊伊吾戰於蒲類海和帝永元三年單

于衰弱之蒲類海款塞桓帝元嘉元年伊吾司馬毛愷之遣兵與呼衍王戰蒲類海悉為所沒敦煌太守馬達出塞

新疆建置志 卷二 十一 關中叢書

至蒲類海呼衍王引去張璠疏所云呼
衍王常展轉於蒲類秦海之間是也 晉世匈奴南徙敕

勒居之 按晉書敕勒傳有伊吾 元魏屬蠕蠕 按北史宣武

車主彌俄突擊殺蠕蠕主 伏圖於蒲類海即其地也 隋屬突厥後又分為西突厥唐

為沙陀部與處月雜居 唐書沙陀傳處月居金娑山之陽

陀突 賀魯之反沙陀朱邪孤注據牢山以叛王建方誅之

後漸強武后長安初進沙陀金山為金滿都督先天中子

輔國嗣徙北庭 漢西域圖考貞觀十四年於始昌故城置

中置伊吾軍在伊州西北五百里 今肋巴泉塘地皆鎮西廳所轄也 宋屬伊州元屬別失八

里東境屬亦都護明為衛拉特屬和碩部明末固始汗遷

西海此為準噶爾台吉游牧清興其地內屬 康熙五十四年 西至

鎮迪道治所一千三百三十里其界東至哈密南至鄯善

西至奇臺北至科布多皆其屬也東西五百一十里南地

分三鄉東鄉分十區曰大泉城東曰大泉東渠城東二曰大

泉西渠城東二曰大黑溝城東三曰小黑溝城東三曰石

人子城東五十里雍正七年岳威信公於此獲漢碑度之

亭覆之即今所傳敦煌太守裴岑紀功碑也曰奎素城東九十里西曰沙山子

城東一百八十里與哈密之塔勒納沁接界其南為招摩

多康熙三十五年撫遠大將軍費揚古征噶爾丹兵至招

摩多探知噶爾丹在特勒克濟相距二日柳溝城東百五

十里追及大敗之降二千餘人即此曰柳溝城東百五

曰拱北爾城東七西鄉分三區曰西園子城西曰西大敦

城西二曰蘇吉城西九北鄉分十一區曰東頭渠城北五

十里

新疆建置志 卷二 十二 關中叢書

曰西頭渠城北十里曰武威戶城北十里曰大有莊城北十里曰

三四渠城北十里曰民戶城北十里曰二道河城北十里曰二道柳溝

北城曰西山紅柳峽城北三百里曰察哈泉城北三百里曰三塘

湖蘇臺北二百四十里水草豐美東通歸化城北通烏里雅

塘湖北數十里有煤產戈壁中旁有坑坎長三里許寬四

五丈火四時不息相傳舊係審所因失火起燒今已六十

餘年坎底皆灰其深不測然按字典遼東北有火穴名塘

煨地夜明如晝或有物去池三十步無巨細脅入池中集

韻熱灰謂之塘煨是自有此一種非遺火也按西域圖志

宜禾縣與鎮西府同治屬地十四日鏡兒泉治西北六十

里自縣治西北行五十里歷五墩又十里至其地曰木城

治北九十里西南境有石城子自鏡兒泉東北二十里至

石城子又東十里至其地曰三塘治南一百六十里自木

城東北行二十里至柵門口踰山五十里至其地曰石人

子治東五十里自縣治東歷固原堡大泉至其地其西南

境有東黑溝曰奎蘇治東九十里當巴爾庫勒淖爾發源

處左右兩流之間曰松樹塘蒙古語謂招摩多治東南百六十里南踰庫舍圖達巴至南山口接哈密界曰沙山子在石人子東北八十里踰巴爾庫勒淖爾三河源至其地曰呼濟爾台治東北一百五十里其東南踰山十里有鹽池曰圖古里克治東二百九十里又東南行一百二十里至多都摩垓接哈密界曰哈喇和屯在圖古里克北三十里疑卽唐時伊吾縣故城曰度濟治西九十里北有小山東曰尖山子西曰獨山子曰庫爾墨圖治西一百二十里又西六十里爲肋巴泉塘哈畢爾噶布拉克出其地曰西里克拜姓治西二百三十里有烏爾圖水塘烏爾圖布拉克出其地疑卽唐之甘露川曰噶順治西南二百七十里

有泉出山下南流其北四十里爲鄂籠吉有舊城噶順西接奇臺縣界今地居兩山之中形勢陜阨當孔道亦一都

昔地名多不同

會也按南山綿亘數千里來自伊犁山巔有關神武祠祠東三十餘步有石室度唐左屯衛將軍姜行本碑相

戒不得拓拓卽致風雪北山亦康熙雍正之間兩駐大兵名木城山至城東復與南山合康熙雍正之間兩駐大兵

新疆識略康熙五十四年準噶爾襲哈密我駐防兵二百率回卒奮擊賊退有佐領色拍爾者俘獻準噶爾賊以秋

將復襲告詔遣大兵屯巴里坤巴里坤駐兵自此始五十六年以富寧安爲靖逆將軍駐巴里坤雍正三年策妄阿拉布坦乞降闡展吐魯番回子內徙撤大兵還雍正七年大軍復駐巴里坤寧遠大將軍岳鍾琪鎮之八年岳鍾琪入覲紀成斌護理寧遠大將軍十年其民皆來自秦隴其俗三年撤大兵還詳見新疆識略

羯犍不均然厚重多君子黷序之士祁祁如也好稼穡惡衣食以致其蓄藏有關西之風當全盛之時修邊備列障起亭旃旌相望稞麥魚鹽之饒甲諸部其地四達多重裝富賈珍異物聚道光咸豐之間稱極盛焉同治後數用兵編戶彫亡汙萊不治商旅又多出南道民鮮居積而井邑益戚醮蕭條矣

庫爾喀喇烏蘇

北極高四十四度二十四分距京師偏西三十度四十四分夏至晝長六十一刻七

分夜長三十四刻八分冬至晝長三十四刻八分夜長六十一刻七分午正日景夏至長三尺八寸三分冬至長二丈四尺六寸一分春秋兩漢三國為烏孫國地北魏高車分長九尺七寸九分

國地周為突厥入隋屬西突厥統葉護突厥既分咄陸建

庭於鎡曷山西又屬咄陸初居是者為處木昆部附於賀

魯唐永徽中蘇定方出金山北擊處木昆部破之西域圖考唐書

金山有二突厥傳云居金山之陽為今阿爾泰山人所知也其一即金娑嶺在高昌北亦曰金嶺唐置金嶺城亦曰

金山寰宇記云時羅漫山西有大磧入金山哥羅祿住處即此金山蘇定方破賀魯於伊麗水無由取道阿爾泰山

之北也西突厥俟賀魯平設郡縣屬崑陵都護府統隸於毗走金山亦即此

北庭復設葉河黑水二守捉西域圖考引唐書地理志云輪臺縣又北五十里有張堡

守捉即烏魯木齊境又渡里移建德河即瑪納斯河七十里
里有烏宰守捉又渡白楊河即烏蘭烏蘇有清鎮軍城即

今之阿雅爾泊又渡葉葉河有葉河守捉卽庫爾喀喇烏蘇又渡黑水七十里有黑水守捉卽固爾圖喀喇烏蘇

開元中置瀚海軍十六蕃州隸焉此地屬葛邏祿部松漠

元池二都督後稍南徙在金山北庭者自稱葉護是此境

也後唐同光初役屬於遼宋南渡後西遼建國伊犁此為

北路重地元為回鶻明為衛拉特屬綽羅斯部清興其地

內屬雍正中兩大將軍出兵為策妄屯兵要地乾隆二十年征西之役此地實為津要既平準部設官駐防同

於內地光緒十二年置廳東至鎮迪道治所七百里其界東至奎

屯四十里井子南至寧遠西至花樹林按本境西界與舊略殊乾隆三十七

年設領隊而晶河安阜城員弁及全境屯田皆隸入焉漢西域圖考水道記諸書附安阜城於庫爾喀喇烏蘇是也

四十八年改晶河巡檢為糧員北至鄂倫布拉克俗名漢三臺

遂分屬晶河今仍之晶今作精

皆其屬也東南三百四十里南北四百里地分九區曰奎屯莊城東七十里曰

三個莊城東北七十里曰十六戶城東北九十里曰九間樓莊城東北五十餘里

曰八十四戶莊城東北二里曰西湖莊城北二十餘里曰馬廠湖莊城西

北二里曰乾河子莊城西三十里曰車牌子莊城北百五十里按

喇烏蘇屬地十二日奎屯在城東五十里有長河當孔道舊為布爾古特台吉呢瑪游牧處呢瑪內附授職從征後

附阿睦爾撒納劫將軍和起乾隆二十二年將軍成袞札布遣副都統由屯等追至哈什郭勒上游阿爾齊圖山口

擒之伏誅其地東與綏來縣屬之安濟哈雅接界曰布勒哈齊城西六十五里在布勒哈齊淖爾西南境支河之間

自布勒哈齊迤西一帶應屬唐時西突厥之攝含提噉部地曰達木達哈喇烏蘇在布勒哈齊西六十里額布圖郭

勒經流其地曰古爾圖喀喇烏蘇在達木達喀喇烏蘇西五十五里地有流泉豬為小澤曰托多克一統志作托克

多在古爾圖喀喇烏蘇西六十里有泉三道合而東北流曰鄂壘札拉圖在托多克西四十里阿睦爾撒納之叛將

軍兆惠以偏師往守伊犁至此與達什策凌等遇夜出擊
殲賊千餘曰葛順在鄂壘札拉圖西三十里布勒哈齊淖
爾灘其北哈喇古顏鄂拉峙其南曰烏里雅蘇圖在噶順
西七十里有土城向爲西路大兵駐營之所曰晶河在烏
里雅蘇圖西三十里地以河名乾隆二十三年將軍兆惠
擒布爾古特台吉渾齊於此二十八年建豐潤堡地沃衍
有屯田今改置精河廳曰托里在晶河西六十里地有小
水清圓如鏡今屬精河廳曰察罕拜姓在托里十五里有
舊城今屬精河廳曰托和木圖在察罕拜姓西二十里踰
庫克木蘇克郭勒至其地今屬精河廳又西接伊犁界按
一統志同今鄉土志其民雜居三種鄉土志漢民四百餘
自奎屯外無一同者其民雜居三種戶纏回漢回各百餘
戶而蒙古舊土爾扈特黃教喇嘛復孱但其間鄉土志一
新寺有黃教四百人郡王巴雅爾統之一將軍溝寺有黃
教二百人貝子德恩沁阿拉什轄之一月牙台承化寺有
黃教四百人以呼圖克圖察故其族類雜揉趨尙多歧地
汗格根坤噶札拉布加主之旱沃五穀馮戎果隋之政緣畛芻牧蕃息而柳花爲珍產

產奎屯者良柳花者老柳叢生入夏著青綠華小葉襞積若治

蔭淪之味微苦可以當茗中熱有宿醒者宜之人呼柳花

茶其他金銀煤鐵硫磺石油之祕諸山川者不能出或出

之以土法則折故民皆盜窳偷生而無積聚

精河以河名北極高四十四度三十三分距京師偏西三十二度三十分夏至冬至晝夜長刻分與庫

爾喀喇烏蘇同午正日景夏至長三尺八寸五分漢魏為冬至長二丈四尺七寸春秋分長九尺八寸四分烏孫晉後為鐵勒部所居魏書稱金山以南諸部是也

謂西突厥處隋唐為西突厥唐書所稱經黃草泊大磧小

羅厚欽鐵勒

磧又地理志所稱渡石漆河亦即此地元為曲兒只地明

為衛拉特屬準噶爾其博羅塔拉屬綽羅斯明末和碩特

并烏魯木齊而此地又屬和碩特清乾隆初策妄阿拉布

坦既有準地而此地復為所并及將軍兆惠擒布爾古特

台吉渾齊於此乾隆二地始內屬初築安阜城復建豐潤堡後乃置廳東至

鎮迪道治所一千一百二十里其界東抵庫爾喀喇烏蘇

南抵寧遠西抵俄邊北抵塔爾巴哈臺皆其屬也東西五百三十

里南北其山礮礮沙磧三百餘里自大小鹽池外彌望皆

瀉鹵莽窳無居人可耕可屋之地僅附城二三里許及永

集湖十餘里之間故其地石留澁漏聚落稀疏曰東鄉本

城一帶東界樺樹林西界十曰北鄉城西北二里東界頭

里橋南界南山北界鄭家莊道渠西界八家戶南

界周家莊曰體仁鄉城西三十里東界十里橋西界永曰

北界沙泉

同仁鄉城西南四十里東界二十里橋西界黃曰里仁鄉城西

一百二十里之大河沿自永集湖以西數里僅官道一綫歸廳管轄兩旁膏腴均隸土爾扈特蒙部僅驛站並小販

數家居驛路之中東界松樹林西界托和穆圖西四五鄉十里石碑北界博羅塔拉河南界土爾扈特游牧處

漢回纏之民不盈二千其俗褊急巧偽趨利薄恩禮好生

分而蒙古舊土爾扈特牧博羅塔拉食封爵長子孫傳十

一世至今貝勒有眾二千七百穹廬毳幕隨畜逐水草好

飲酒不事耕作今亦有效漢民服田者

哈密北極高四十二度五十三分距京師偏西二十二度三十四分夏至晝長六十刻八分夜長三十五刻七

分冬至晝長三十五刻七分夜長六十刻八分午正日景夏至長三尺五寸二分冬至長二丈二尺八寸五分春秋

分長九尺二寸九分按西域圖志曰前漢書載陽關西一千六百里至鄯善又西七百二十里至且末又西二千里

至精絕又西四百六十里至扞采又西三百九十里至于
闐是前漢時扞采固在陽關西四千七百里外其時尚未
取伊吾盧地也惟伊吾與哈密音不相類意扞采國人嘗
居此因轉扞采爲哈密其扞采國遷徙之蹟雖不可考要
之哈密爲扞采轉音則較然不疑云云今按史記大宛傳
云東則扞采于闐索隱曰扞采國名音汗彌又按前書鄯
善國本名樓蘭治扞泥城師古曰扞音一胡反徐松補注
引御覽注云汗音烏又小宛國王治扞零城師古曰扞音
烏又精絕國西通扞彌四百六十里扞音烏扞彌國王治
扞彌城今名寧彌不再注以上三文三注之然猶恐人之誤
讀也故復於龜茲國西南與扞彌接句下又注曰扞音烏
苟悅漢紀扞彌作拘彌扞拘聲相近後書西域傳拘彌國
居甯彌城是扞彌拘彌甯彌皆一音之轉前書西域傳以
扞名地者三扞泥彌零扞彌皆讀如烏又水經注南河東
北逕扞彌國太平寰宇記扞彌國皆音烏未有讀如扞者
又扞彌漢書作彌史記作采西域圖志引漢書不當作采
也又按辛卯侍行記纏回之稱哈密皆曰哈密爾或呼庫
木爾稽古者以哈密爲漢伊吾而不知哈密之名亦古元
和志伊州納職縣北有俱密山是哈密因山得名唐初已
然今三堡西北之哈木爾達坂卽古俱密山西戎語哈俱

庫克等音均可通用有哈木爾山而知哈密主名尚在迤西非可以一城概之也哈木爾即元之哈密力明初之哈梅里永樂後之哈密衛史官不知土音之為哈梅里誤分二地猶天方之與默德那耳俱密哈密力哈梅里哈木耳一音異譯非親詢者老烏乎知之為鑿空矣後漢伊吾盧地西域傳據此益見西域圖志之為鑿空矣

永平十六年明帝命將帥北征匈奴取伊吾盧地遂通西域明帝時置宜禾都護魏以其地封高昌馬儒魏書高昌傳高祖割伊吾盧五百里以儒居之晉為宜禾縣唐

貞觀初置西伊州尋改伊州貞觀六年領伊吾納職柔遠三縣

廣德後陷吐番五代時號胡盧磧小月支遺種仲雲居之

五代史高居誨記沙州西曰仲雲其牙帳居胡盧磧之西仲雲者小月氏之遺種也胡盧磧漢明帝時征匈奴屯田

於吾盧蓋宋時土人陳氏據其地宋史高昌傳王延德使其地也高昌歷伊州州將陳氏

其先自唐開元二年領州元封族子威武王納勿里於此凡數十世唐時詔敕尚在

尋改爲肅王明永樂中其族來朝貢封爲忠順王賜金印

旋立哈密衛後又封其一曰忠義王自是二王並貢正德

後爲吐魯番酋莽肅爾所據遂屬吐魯番爲回鶻弘治中

閉嘉峪關絕西域貢清興哈密衛輝和爾都督入貢順治四年

其後土侖泰爲王助河西回丁國棟爲亂被誅絕其使其

後復許通貢康熙中二十六年其酋額貝都勒拉俘噶爾丹子

及其屬以獻賜札薩克印綬地始內屬編旗分視各蒙古建回城以居之時

康熙五十六年也六傳至伯西爾同治初西至鎮迪道治

所一千六百二十里其界東至安西州馬蓮驛西至鄯善

之車箍驢驛南多葦蕩廣莫無垠與敦煌之西湖新平之

羅布淖爾接壤北至天山皆其屬也東西六百四十餘里南北五百餘里地

當山陰廣衍沃野厥田上上蕃草木泉甘而氣暖為東路

之冠分三十五區曰東新莊城東二十里漢民居之曰黃蘆岡城東

里曰長流水城東百四十里曰煙墩城東二百一十里曰風洞城東二百

曰苦水城東三百五十里曰謙泉城東三百九十里曰沙泉城東四百三十里曰

紅柳園城東四百六十五里曰星星峽城東五百五里曰頭堡城西七十曰二

堡城西一百一曰三堡城西五百五十里曰四堡城西南百七十曰五堡城西

里八十曰三道嶺城西二百四十里曰泥跡頭城北二十里曰黑帳房城北

里八十曰南山口城北百二十里按一統志哈密城北有碑

石圖上有唐碑文多剝落尚存侯君集領十四萬軍等字

按唐貞觀十三年侯君集為交河道大總管伐高昌十四

年拔其城高昌降君集刻石紀功而還高昌即今吐魯番
哈密在其東一千二百里當是君集既平高昌凱旋而東

途經此山因刻石紀功云非勒銘於高昌國也以地望準
之當在哈密北南山口左右又按姜行本碑在鎮西廳天

山上其地亦名闊曰羊圈溝城北六十里曰蔡湖莊城東南六十
石圖與此異勒

居曰鐵爾版金莊城東南十餘里按明一統志馬驥山東
處以今地望準之當在

鐵爾版一顆樹左右曰一顆樹城東南四十里曰大泉灣城東
里曰胥胥井城東北四十里曰謙泉子城東北四十里

六十曰沁城城東北二十里曰東山在沁城東百餘里草木叢
地藉雪水灌溉歲有餘糧恆輸鎮西曰小堡在沁城東曰

蒙古一帶為纏民聚落之庶富者

火燒莊子城南二里曰花果園城南六里曰大園子城南十里曰小南

湖城南三里曰大南湖城南七十六里按唐書西域傳貞觀

十六年伊吾城酋來朝頡利滅舉七城

降以其地爲西伊州明史哈密傳成化十八年哈密右都督哈森夜襲哈密城破之雅蘭遁走乘勢連復八城遂還居故土唐七城明八城今不可考又按西域圖志作十四城曰蘇木哈喇城亦名頭堡城西六十里其東南有村五泉二十五處西陲要略作素門哈爾輝五大回莊之一新疆識略作蘇門哈爾輝曰阿斯塔納亦名二堡城西八十里亦有村三泉二十三處西陲要略五大回莊之一曰託郭棲亦名三堡城西一百二十里有村五泉十三處最著者白楊溝柳樹泉二水南流數里乃合西陲要略作託克齊五大回莊之一新疆識略作託克齊曰拉布楚喀亦名五堡城西一百四十里有村十三泉九處小河一道西陲要略作拉卜楚克五大回莊之一新疆識略作拉卜楚哈曰哈喇都伯亦名四堡城西一百六十里有村二十三泉八處迤北二十里有大泉流水成渠西陲要略五大回莊之一曰賽巴什達里雅城東北二十里地以湖名其東北境爲牛毛湖兩湖左右皆有屯田一統志作賽巴什新疆識略無曰格子煙墩城東南二百十五里疑卽唐柔遠故城曰星星峽城東南四百九十里接安西州界雍正十三年征準噶爾出師於此修途轉餉有民人楊可祿修路碣曰多都摩垓城東二百十里東西皆有泉源出天山北麓夾

流過多都摩垓北合流百餘里瀦爲大澤曰德都摩垓城東北二百八十里東西皆有泉卽塔勒納沁河之北流也新疆識略無曰塔勒納沁城東北二百二十里有土城一有屯田曰半池泉在塔勒納沁東南二百五十里蓋亦柔遠縣地一統志無曰柳樹泉城南六十里地以水名踰河而至一統志無曰博羅圖阿瑞城東南四百里經柳樹泉哈什泉酤水大泉至此接安西州爲敦煌縣北界應屬伊吾故地新疆識略作博羅特口以上屬哈密曰察罕和羅海在哈喇都伯西七十里哈密西境外南臨大磧一統志作察罕托羅海曰內勒袞在察罕和羅海西七十里地多碎石有水草南臨大磧曰阿沙爾圖在內勒袞西六十里南有澤名沙納淖爾又南臨大磧曰伊里克庫木在阿薩爾圖西六十里南臨大磧曰察克瑪克塔什在伊犁克庫木西六十里南臨大磧曰額什墨在察克瑪克塔什西五十里南臨大磧又西一百五十里至洪入闢展界以上六處新疆識略俱無又按西域圖志作十四城復別以察罕和羅海六城屬哈密境外而一統志改爲十二城者柳樹泉半池泉二處而以星星峽入山脈類復益以境外之察罕博羅海合之爲十二城新疆識略屬邑十三內其民三有下莫艾上莫艾兩處西域圖志一統志俱無

種雜居而纏爲土著回王治之自軍興以來閭戶衰減及左宗棠規畫新疆漢民販繒帛稍稍隨大軍出關久之關疇殖穀流亡還集三十年中增至五六百戶而漢回之來自秦隴者亦百有餘家光緒初大軍屯哈密人衆取多用弘商賈駢坐罷兵後帶頓之物無所委折閱者多初哈人好服斜布斜布之利傾一市其後俄商販藻布五色玲麗煥若濯錦出斜布上遠甚人爭取之斜布壅遏不可行於是商旅大困獨羊毳之輸出者歲尙八九萬斤瓜匏饒多其乾者或售諸遠方然其細已甚而俄商網取土物歸而機製之以倒輸本境其羨恆倍蓰焉其居四達羈旅失業

之氓僑留者衆然多無賴爲姦利健訟博塞游食相爲攘
竊塔勒納沁去廳治益遠迫近戎狄尤好氣桀懂不馴輕
犯法報睚眦子適衛冉有僕子曰庶矣哉冉有曰旣庶矣
又何加焉曰富之旣富矣又何加焉曰教之教之不可以
已也如此夫回王故畏兀兒種也居回城王府在西門內
大阜上極高城
內纏回百餘戶按舊說謂明季哈密王來自葉爾羌或稱
元裔或云回回實額貝都拉畏兀兒種人非蒙非回而上
溯四世亦無居葉爾羌者歲辛卯陶勤肅模撫新疆馳書
詢哈密王世系是否由葉爾羌遷來及明季何部族迄今
有無分別情形王答書略謂以額貝都拉爲受封始祖額
貝都拉之高祖伊薩敏曾祖博啓祖默默特雅爾父默默
特夏伊四世皆爲伯克以上無考然未聞明季由葉爾羌
遷來之說畏兀兒哈喇灰同奉摩哈默教衣服亦同初用
白布束頭故稱白帽回後有用雜色者稱紅帽回各族久
無分別惟統稱纏頭回猶之江南江西統稱漢人而已卑

部先世係白帽回相傳多畏兀兒回子孫其唐代留居中
土改用漢裝者謂之漢回亦呼回回奉教雖同而習氣懸
殊纏回樸誠漢回狡猾自來變亂多由彼倡禍也哈密二
字乃蒙古語今纏回沿呼哈木耳卑部行回族文牘用回
文呈京外各省者用 轄城六曰哈密即今回城曰素木哈爾灰

曰阿思他納曰托哈奇拉曰珠楚克曰哈拉托巴

見乾隆府廳州

縣志有采地三萬畝汗腴多蕩葦豐水草牛羊馬皆脂膳異

於衆有蘇拉滿廠者其馬爲回部冠天閑貢駟皆選諸此

其地原泉灌注森木際天尤多老柳有千餘年者按辛卯侍行記

某阿渾家有九龍樹相傳千餘年物也實則老楊
臥地處處生根枝幹糾紛穿垣踰壁蔭十餘丈

伊犁

北極高四十二度五十六分距京師偏西三十四度
二十分夏至晝長六十一刻一分夜長三十四刻十

四分冬至晝長三十四刻十四分夜長六十一刻一分午
正日景夏至長三尺七寸三分冬至長二丈四尺零四分

春秋分長九尺六寸四分自兩漢迄晉皆為烏孫國地西域圖志烏孫今伊犁地其始

曰伊列後曰伊麗曰亦列曰益離皆音之轉漢時伊犁河以北為伊列國屬匈奴河南盡烏孫地初烏孫王難兜靡

為月氏所殺子昆莫新生傅父希就抱歸匈奴單于養之及壯與以其父民衆使報仇時月氏已西遷塞王地昆莫

攻之月氏走大夏昆莫因留居之故其地有塞種月氏種云武帝初昆莫有十餘人中子大祿最強太子早死昆莫

立其子岑陬為太子大祿擁兵叛昆莫分兵與岑陬別居亦自擁兵國分為三漢使張騫至其國欲合之以拒匈奴

歸說於上上遣騫論昆莫昆莫內屬元封中以江都王女細君為公主妻之昆莫死岑陬嗣又尚公主主死漢復以

楚王戊之孫解憂為公主妻岑陬死舍其子泥靡以國與大祿子翁歸靡約死時還泥靡翁歸靡立號肥王復

尚楚主昭帝時匈奴擊烏孫取車延惡師地公主上書請救宣帝立遣五將軍兵擊匈奴常惠與烏孫兵合大破匈

奴匈奴既衰耗愈怨烏孫其冬單于自擊烏孫天大雨雪還者不能什一於是丁零與烏桓攻之烏孫亦擊其西匈

奴遂弱時本始三年也元康二年肥王請以公主長子元貴靡為王復和親會翁歸靡死國人守前約立泥靡為王

號狂王復尚楚主生一男鴟靡後不和又失衆心漢使魏和意任昌使其國謀殺之狂王傷而走其子細沈瘦以兵圍漢使都護鄭吉救之乃出狂王旋爲翁歸靡胡婦之子烏就屠所殺自立爲昆靡復降漢乃立元貴靡爲大昆靡烏就屠爲小昆彌時甘露元年也三年元貴靡死子星靡嗣爲大昆彌黃龍元年郅支單于走右地遣使見烏就屠與并力烏就屠殺其使以兵迎郅支爲所敗郅支旣并丁零堅昆屢攻烏孫會康居亦與烏孫構兵迎郅支至元帝建昭三年漢使陳湯由烏孫抵康居擊斬郅支禍始息星靡死子雌栗靡嗣小昆彌烏就屠死子拊離嗣爲弟日貳所殺漢立拊離子安日爲小昆彌安日使客刺殺日貳旋爲降民所殺漢立其弟末振將以代時大昆彌雌栗靡國大和末振將遣人刺殺之漢遣段會宗與都護圖方略立雌栗靡季父公主孫伊犁彌爲大昆彌久之大昆彌翎侯雞棲殺末振將安日子安犁伊代小昆彌漢恨不自責誅命段會宗斬末振將之子番邱是歲成帝元延二年也未振將弟卑爰臺北附康居二昆彌畏之哀帝元壽二年大昆彌遂入朝卑爰臺又侵兩昆彌都護孫建襲殺之自分兩昆彌漢用焦勞而兩昆彌延世不絕常爲大國東漢明帝永平十七年旣定車師戍己校尉耿秉移檄烏孫大昆

彌已下來獻馬遣子入侍章帝建初八年遣李邑護送烏孫使者賜大小昆彌錦帛猶欲得其力以通西域也自後

不見北魏為悅般國北史悅般在烏孫西北其先匈奴單于之部落為漢車騎將軍寶憲所逐

北單于渡金微山西走康居其羸弱不能去者住龜茲北地方數千里眾可二十餘萬涼州人猶謂之單于王其風

俗言語與有樂舞按北史詔有司以悅般國鼓舞之節施於樂府又為高車國地

高車同杜氏通典高車蓋古赤狄之種也北史魏道武時分散諸部惟高車以類麤曠不任使役故得別為部落後太武征

蠕蠕還至漠南聞高車東部在已尼坡人畜甚眾去官軍千餘里遣左僕射安原等討之望軍而降者數十萬落獲

牛馬羊亦百餘萬皆徙之漠南千里之地乘高車逐水草畜牧蕃息數年之後漸知粒食歲致貢獻周為突

厥地隋為西突厥及石國地文獻通考石或曰拓支曰柘圻曰赭時漢大宛北鄙也

唐為西突厥及回鶻地有數部皆隸北庭都護府一統志突騎施

索葛莫賀部入唐為盟鹿都督府突騎鼠尼施處半部入唐為鷹莎都督府東境為回鶻契苾羽地入唐為榆溪州

突騎施阿利施部入唐為潔山都督府皆隸北庭都護府又西境為突厥施烏質勒部

文獻通考突厥施烏質勒者西突厥之別種也初隸斛瑟羅下號為莫賀達于後以斛瑟羅用法嚴酷擁衆背之尤

能撫恤其部落由是為遠近所歸附其下置都督二十員各統兵七千人常屯聚碎葉西北界後漸攻陷碎葉徙其

牙帳居之東北與突厥為鄰西至庭州斛瑟羅以部衆削弱自武太后時入朝不敢還番其地并為烏質勒所并及

卒其長子婆葛代統其衆詔使立婆葛為金河郡王仍賜以宮女四人一統志作突騎施為西突厥地

及斂赤建國石國地大歷後葛邏祿居之新唐書葛邏祿本突厥諸族在

北庭西南金山之西跨僕固振水包多怛嶺與車鼻部接有三族一謀落或為謀刺二熾俟或為婆匭三踏實力唐

永徽初高侃之伐車鼻可汗三族皆內屬顯慶二年以謀落部為陰山都督府熾俟部為大漠都督府踏實力部為

元池都督府即用其長為都督後分熾俟部置金附州宋為烏孫遜於遼西域圖考

年天祚播越大石擁立秦王醇死以其妻蕭德妃為太后守燕金兵入燕德妃走天祚天祚誅德妃責大石而大

石不自安西走可敦城駐北庭都護府會七州十八部論以興復得精兵萬餘整旅而西假道回鶻王卑勒哥導之出境兵行萬里至尋思干城西域諸國舉兵十萬號忽而珊來拒戰大敗之回國來降歲甲辰二月五日西至起兒漫即位改元延慶即宋徽宗宣和六年也延慶三年欽宗靖康元年東歸得善地建都於虎思幹耳朵改元康國即此伊犁地文正西游錄云阿里馬城又西有河曰亦列其西有城曰虎思窩魯朵即西遼之都是也自是始為居國大石在位二十年歿皇后稱制改元咸清在位七年歿子夷列立改元紹興在位十三年歿妹普速完攝國事改元崇福與附馬蕭朵魯不之弟只里沙通殺附馬附馬之父幹里赤起兵討殺之在位十四年死仁宗子直魯古立改元天禧在位三十四年秋出獵乃蠻主曲出律伏兵襲執之以直魯古為太上皇據其國西遼遂亡時宋寧宗嘉定四年元太元為阿爾穆爾舊作阿里麻木諸王海都行營處元祖之六年也譯文證補元之阿力麻里在今伊犁西遺址無徵要非甚遠自元史世祖本紀地理志西北地注二說歧誤遂聚訟紛如徐松西域水道記既辨地理志阿力麻里為海都分地之非復考正北庭西北行四五千里在阿力麻里道路

之差世祖本紀阿力麻里在和林北方位之誤皆詳數可據惟改阿力麻里爲阿里瑪圖則爲千慮一失阿里瑪圖自是河名阿力麻里自是城名圖有也里當卽八里之省文猶言城阿里瑪阿力麻皆謂果譯字不同急讀之音仍無別李吏部光庭誤於世祖紀皇子北平王建幕於和林野里麻里地一語謂阿力麻里在今烏里雅蘇臺而以今伊犁西之阿力麻里援西游錄西游記斷爲當作阿里馬經世大典圖明作阿力麻里明在庫車之北元之別失入里西游錄作別石把西游記作斃里馬皆奪里字地非同文述者各異豈可望文生義強爲區別耶多桑書作阿耳麻里克仍是人明爲衛拉特地清興準噶爾建庭於此乾里克謂城之義

隆中準部平始於伊犁河北分建九城同治初回亂九城

不守始爲叛回襲據繼又爲纏回索爾塘奪踞俄人以數百兵襲據之擅其利

者十有三年光緒初王師討平南北各城獨伊犁不下是

時督師左宗棠駐哈密欲分兵五路爲進取計而廷議難

之其後卒以金鉅萬收還償俄銀四百五十萬兩而天山

南北皆許俄互市暫免權稅東南至伊塔道治所一百二

十里其界東至精河廳南至温宿府西至俄羅斯邊境北

至賽里木泊北岸皆其屬也東西七百五十里其地表裏

山河格登山當其西南額琳哈卑爾罕塔爾奇諸山亘其

北其西據形勢物產豐饒多富商大賈氣候淑和甲於北部

西陲一大都會也有城九曰綏定今縣即曰寧遠今曰惠

遠將軍駐之曰廣仁故烏克爾博羅素克一曰曰瞻德故

罕烏蘇城西故霍爾果斯城西九十里西域圖曰

塔勒奇城西南十里西域圖志在伊犁北一百二十里建

小城一周三分城西北為獨山子清水河城北為

大西溝大東溝小東溝城曰惠寧故巴彥岱城東南七十

西為察罕烏蘇均有屯田里西域圖志在伊犁郭

勒北惠寧城曰熙春故哈拉布拉克俗呼城盤子城東南

東南有屯田曰熙春按西域圖志伊犁東路屬地

十有八西路屬地六十有二今按西路自霍爾果斯廳以

西皆俄屬故不錄入錄東路者益以西路之和爾郭斯共

十有九處曰海努克在伊犁郭勒南二十五里舊有佛寺

噶爾丹策凌建與固勒札寺俱為喇嘛坐床之地兩廟喇

嘛坐床者四後燬於火乾隆二十七年築寧遠城於東岡

上建御製平定準噶爾勒銘伊犁碑後勒銘伊犁碑各一

俱四體書曰巴彥臺在伊犁郭勒北惠遠城東南有屯田

曰烏哈爾里克在伊犁郭勒北乾隆二十七年建綏定城

有屯田今為府治曰塔勒奇在伊犁北一百二十里建小

城一有屯田曰沙布爾托海在伊犁西南一百四十里曰

博羅塔拉在伊犁東北三百里山環水抱形勢殊勝乾隆

中將軍班第率師討準噶爾至此阿睦爾撒納冀為四衛

拉總台吉不得擁眾竊據於此在唐為雙河都督府地曰

幹珠罕在博羅塔拉西南曰阿爾瑪圖在伊犁郭勒北距

伊犁一百里曰烏爾圖古爾卑在伊犁東北一百四十里

曰博羅布爾噶蘇在烏爾圖古爾卑東北六十里即博羅

新疆建置志

卷二 二十六 關中叢書

布爾噶蘇西谷口外地舊為渾台吉唐古忒游牧之地為
伊犁東境門戶曰都爾伯勒津在伊犁東一百二十里空
格斯哈什特克斯三郭勒交會於此曰空格斯在都爾伯
勒津東南三百二十里為伊犁東南最近要地山朝水束
為西域形勢之冠舊為準噶爾烏魯特霍爾博斯鄂拓克
游牧之所為唐西突厥南庭曰哈什在空格斯北為伊犁
東最近要地與空格斯相唇齒形勢殊勝為將軍班第尚
書鄂容安殉節處曰納拉特在哈什南即納拉特達巴北
麓地曰裕勒都斯舊對音為珠爾都斯在空格斯東南二
百里踰山而至東西六百里南北二百里四面皆山地饒
水草宜畜牧伊犁東南屏障也舊為準噶爾克里野特鄂
拓克游牧之所在唐為榆溪州地曰哈布齊垓在裕勒都
斯東一百八十里三哈布齊垓郭勒經流其地曰登努勒
台在哈布齊垓東天山南麓地饒水草曰和爾郭斯在伊
犁西一百三十里有屯田一統志伊犁屬境二十有八東
路與西域圖志同而省去海努克固爾札兩處西路自和
爾郭斯外尚有哈討以下有額魯特游牧二察罕爾游牧
六十處今皆外屬故不錄

一乾隆初平定準噶爾餘衆處之伊犁及塔爾巴哈臺地
編為額魯特旗其牧伊犁者特克斯河之側為上三旗

空格斯河之側爲下五旗設統領大臣附唐初潔山
統之察罕爾游牧地在府西博羅塔拉綏定郭

都督府地也東至寧遠南至溫宿西至霍爾果斯北至精

河東西一百四十餘里南北八百餘里而惠遠廣仁瞻德拱宸今霍爾果斯廢治塔

勒奇四城皆屬焉湟回之創亂也光緒二十一年其良懦有挈挈

來居者往歲俄復歸我漢回及塔蘭奇本處纏回名各如干戶

皆與漢民雜居四境其錫伯索倫察罕爾額魯特四愛曼

及蒙古哈薩克環居境外屬伊犁將軍者不與焉而法國

人石天基自光緒八年來傳教建堂其後二十餘年而教

士高日昇繼之漢回之民頗有惑其說者土沃宜稻麥民

勤於疇墾決芸傳耜餘糧栖畝故不飢然僑雜浮食者日

衆工商多竄敝無所勸俄人乃益出其奇裘蚩眩以射姦

利而耗漏不可詰矣

鄉土志綏定商務不振製造亦未研究故吐魯番之棉花蒲桃湖商晉商

之茶斤蒙哈薩克之牲畜均行銷於境內然楚弓楚得要非利益外溢也惟俄商進卡之貨奇技淫巧歲耗巨金其洋布桂子皮尤爲章身之具更無論矣抵制乏術伊於胡底其東爲寧遠寧遠伊犁九

城之一與伊塔道同治東至庫爾喀喇烏蘇南至溫宿西

至俄邊北至綏定

東西六百一十里南北一百三十里

而惠寧熙春兩城亦

屬焉有莊五十七地當邊徼內纏回而外蒙哈言語不通

耆慾不同近歲布魯特來占籍多至千餘戶中外交販三

百有餘家山出馬牛羴狐狼虎鹿狍俄商歲取皮耗爲氈

氈染褐鞞鞞之屬

雅爾緞桂子皮氈毯革履皆來自俄

銜鬻於市以與我角

逐彼常羸而我常絀纏民性塞懦服耒耨薰習宗教不知
詩書爲何物然法蘭西教士梁萌德倡天主之說而受其
領洗者八十餘人亦可謂不善變者矣

塔爾巴哈臺

北極高四十七度五分距京師偏西三十三度三分夏至晝長六十二刻十分夜長三十三

刻五分冬至晝長三十三刻五分夜長六十二刻十分午
正日景夏至長四尺三寸七分冬至長二丈八尺三寸四
分春秋分長一丈零七寸六分漢爲匈奴右地呼揭車犁烏藉閏振郵支

伊利目六單于迭居之

漢書匈奴傳西方呼揭王叛去自立爲呼揭單于右奧韃王聞之即

自立爲車犁單于烏藉都尉自立爲烏藉單于其後烏藉
呼揭去單于號并力尊輔車犁屠者單于擊呼韓邪單于
兵敗自殺從弟休旬王自立爲閏振單于其後屠者單于
小弟亦亡之右地自立爲伊利目單于閏振擊郵支單于
郵支殺之三國爲鮮卑右部北魏爲高車國其西境爲蠕

蠕國地周隋為突厥地唐屬車鼻其南境為葛邏祿雜居

按葛邏祿王族當東西突厥間常視其興衰叛服不常後稍南徙自號三姓葉護廷州以西諸突厥皆畏之葛

邏祿南徙始盡屬結骨後更名黠戛斯唐書車鼻傳云居金山之北北結骨

西葛邏祿皆統之後葛邏祿南徙始盡屬結骨黠戛斯傳云太宗貞觀二十三年結骨酋俟利發入朝以其地為堅

昆都督府授俟利發都督隸燕然都護高宗至玄宗世凡七朝貢肅宗乾元中破於回紇更名曰黠戛斯回紇授其

酋阿熱為俟斤回鶻衰自稱可汗武宗朝以兵攻回鶻得太和公主獻於朝中途為烏介可汗所奪阿熱遣使吾合

素上書訟之遂徙牙牢山之南烏介敗奔黑車阿熱討之以殘卒歸宣宗大中元年冊為可汗懿宗咸通中三貢後

不見於史又本傳云青山之東有劍河水悉東北流經其國合而北入於海李光庭謂即今之額爾齊斯俄濃果莫

孫諸河正今塔爾巴哈臺境按唐岑參輪臺歌羽書昨夜過渠犁單于已在金山山西劍河風急雲片闊沙口石凍馬

蹄脫亦正後周太祖時宗應曆元年遼穆入貢於遼宋南渡謂此地也

後為乃蠻國

西域圖考引元史太祖紀乃蠻泰陽罕來自按台山是金山以西為乃蠻境也泰陽罕之

兄為不魯欲罕又其先有亦難赤當是泰陽罕父推其有國當在光寧之朝按台即阿爾泰之轉音其後元

太祖破泰陽罕於杭海山

杭海亦阿爾泰之變音也

越二年而稱帝伐

乃蠻擒不魯欲罕地入於元後封諸王屬昔里吉

西域圖考引元

史劉哈喇入都魯傳云至元十七年昔里吉叛宗王別里鐵木兒征之師次金山有使者自脫忽王所來左右曰脫

忽所居要害殆與昔里吉為耳目遣兵窺之獲其騎三十知脫忽方飲酣出其不意擊敗之因獲昔里吉所遣使知

其不備乘勢進擊大破擒之是脫忽居金山為昔里吉既昔里吉耳目昔里吉又在金山之西即此地也

叛被誅始立塔兒入合你驛

即塔爾巴哈臺之轉音按元史昔里吉十四年始叛執北

平王及安童無何被擒十九年遣札刺明屬衛拉特為土忽以聞是年三月立塔兒入合你驛

爾扈特部治雅爾

即舊雅爾城俗呼北雅爾

清乾隆中內屬

康熙中其酋阿玉奇

為杜爾伯特策妄所虐絕其入貢熬茶之路挈衆投俄羅
斯處之額濟勒伯之舊地為輝特部所居其東境近額爾
齊斯河則杜爾伯特部所轄也自噶爾丹東犯屯田於杜
爾伯特策妄因之策零又因之至阿睦爾撒納之亂亦以
額爾齊斯為始用兵蓋數十年乾隆二十六年西域大定
其明年土爾扈特渥巴錫自俄來歸移北路三旗牧於和
博克薩里始名其地為塔爾巴哈臺其地舊為準噶爾游
返故土焉

牧西北數千里皆哈薩克部落所居形勢邈嶮四戰之地
也西南至伊塔道治所一千九百里其界東至烏龍古河

距城八南至沙拉札克台之爛方圈子距城六百西至巴

克圖山中俄界距城六十里北至烏里雅蘇圖山距城七

皆其屬也東西八百五十里地岡巖十四皋澤沈斥僕累五

沙十三坡芳草莽十二可耕之地僅十一耳城西北隅為

俄國貿易圈

鄉土志俄國貿易圈距漢城二百八十八丈東界財神廟西界龍王宮南抵漢城壕北界

劉猛將軍祠自光緒九年議給貿易新圈後彼時人數無多因約章第六條內載倘十年後俄國人來者較多須再

議添給地址等語近日人烟稠密幾至無地可容大有狡焉思啓之意現計俄官商十餘戶男女共四十人而俄屬

老弗夷即新疆西南徼外安集延種人近屬俄國及築市纏民哈薩克三種共三百餘戶男女共三千八百人

場洋宇林立中建領事署東建禮拜堂詭贖充積水陸便利北徼一大

都會也屬莊九曰額勒河城東一百四十里曰三十里堡城東一百

七十曰烏什水城東二百四十里曰頭二工城南四十里曰新地城南一百

二十曰牛圈子城西二里及三十里不等曰阿克綽克台城北四十里曰

哈拉克台城北七十里曰烏里雅蘇圖城北一百二十里而東鄉之額

勒河號為殷賑先是參贊大臣錫綸以綏靖故城荒圯不堪守禦乃徙軍額勒河築新壘焉

師干所至商旅漸集廛市駢連宛成重鎮按西域圖志塔爾巴哈臺屬地二十有八曰雅爾在塔爾巴哈臺西北二百里舊爲準噶爾伊克明阿特部游牧之所乾隆二十八年建城土壤膏沃水草滋豐雅爾郭勒經流其北曰奇爾葛遜齊布哈達遜在塔爾巴哈臺東南乾隆二十年北路喀爾喀郡王巴巴札爾錫第等窮追包沁賊衆於此曰愛呼斯在塔爾巴哈臺西七十里愛呼斯淖爾發源其地瀦爲大澤北接哈薩克界曰烏蘭呼濟爾在雅爾東南舊爲布庫魯特鄂托克游牧之所在漢爲匈奴左部曰淖爾郭在烏蘭呼濟爾西曰察罕呼濟爾在淖爾郭西曰額敏在察罕呼濟爾西舊爲鄂畢特鄂拓克游牧之處以上爲塔爾巴哈臺北境曰哲克得里克在塔爾巴哈臺南南至迪化縣三百里北境有河河流南下其東南境沙漠彌望東西五百里南北三百里卽唐所謂沙陀者也曰納林和博克在哲克得里克西北八十里舊爲布庫魯特鄂拓克游牧之所曰格爾鄂爾格在納林和博克東舊爲酋長所居曰鄂爾格疑當時部酋建庭於此曰克特和博克在納林和博克之東南二十里西三里許有古廟爲準噶爾境內舊蹟在唐爲拔悉密與葛邏祿雜居之地曰烘郭爾鄂籠東北克特和博克東十五里曰什巴爾圖在烘郭爾鄂籠東北

百里西倚山巖南臨沙磧曰烏爾圖在什巴爾圖東北五十里烏爾圖布拉克經其南薩里鄂拉環其北曰薩里在烏爾圖東北六十里北有薩里鄂拉其下出泉曰納木在哲克得里克西踰哈畢爾噶布拉克托來布拉克至其地北倚高山南麓有泉左右二源合而南流入於沙磧舊爲阿克巴集賽游牧之所曰穆呼勒戴鄂多特在納木西四十里北倚鄂爾和楚克鄂拉南臨額彬格遜淖爾山麓有泉南流入於沙磧舊爲阿克巴集賽游牧之所曰達爾達木圖在穆呼勒戴鄂多特西二十里北倚高山南臨淖爾山麓有泉南流入於沙磧亦阿克巴集賽游牧之所曰謨多圖布古圖在蘇海圖西南二十里形勢同前亦阿克巴集賽游牧之所曰泥楚滾布古圖在謨多圖布古圖西南有泉南流出谷入於沙磧亦阿克巴集賽游牧之所曰依奇爾在泥楚滾布古圖西四十里踰鄂倫布拉克而止北倚高山山麓有泉南流入於沙磧舊爲伊克呼拉爾集賽游牧之所曰布爾葛蘇台在伊奇爾西四十里形勢同前亦伊克呼拉爾集賽游牧之所曰察拉垓在布爾葛蘇台西三十里形勢同前舊爲賚嗎里木集賽游牧之所曰綽爾在察拉垓西四十里形勢同前亦賚嗎里木集賽游牧之所曰齋爾在綽爾東北五十里踰山而至地廣饒水草

舊爲阿克巴拉布里木杜爾巴推素隆伊克呼拉爾五集
賽游牧之所以爲塔爾巴哈臺西南境曰額爾齊斯在
塔爾巴哈臺東南西北三百里額爾齊斯郭
勒經流其地爲都爾伯特部游牧之所曰青吉勒在額爾
齊斯西南卽青吉勒郭勒北岸地以上爲塔爾巴哈臺東
南境一統志塔爾巴哈臺屬地十有五曰奇爾噶遜齊布
哈達遜曰額爾齊斯曰青吉勒曰哲克得里克曰納林和
博克曰格爾鄂爾格曰克特和博克曰烘郭爾鄂籠曰納
木曰伊奇爾曰察拉垓曰齋爾曰雅爾曰愛其民蒙番清
呼斯曰烏蘭呼濟爾較西域圖志省十有二

處族類紛歧曰額魯特蒙古部曰哈薩古特部曰察哈爾
蒙古部凡十牛彙皆屬於領隊大臣曰舊土

爾扈特蒙古部凡十四牛彙皆屬參贊大臣而哈薩克四
部曰柯勒依部新舊兩烏瓦克小部附焉曰賽布拉特部

阿克奈曼部附焉曰曼畢特部曰吐爾圖部皆屬參贊
大臣其屬新滿營左翼協領專轄者曰索倫曰錫伯

隸撫民同知者三族而已漢民千餘人回民五
十餘人纏民千餘人故其俗頡

滑彫捍少慮而外哈薩克之奸蘭者或鈔竊牛畜侵水草

與吾民積豐官司處置一不當則外人從而持之守斯土者類非習於外交具剛柔之才擅操縱之用鮮不受其齟齬者其額魯特察哈爾舊土爾扈特各蒙古部及四哈薩克皆隨畜遷徙逐水草牛羊馬駝馱駟山谷間而羊爲最夠富者以谷量貧者亦數十百足博古圖河兩山產野馬馬身首騾鬃耳驢蹄尾俗呼三不像駒駱踉跄其羣千百土人搯馭而服食之轉相斥賣而額爾齊斯河多冰魚每歲販迪化及他方其羨無幾大都商業以畜牧爲最優鄉土志牲畜在本境行銷者每歲馬五百餘匹牛三百頭羊二萬餘隻行銷俄國者每歲馬二千餘匹牛二千餘頭羊七萬餘隻而皮毡衡鹿之利皆見攫於外人鄉土志俄人收買皮毛運回本國每歲計出口牛羊皮一百萬張羊駝毛

一百一十餘萬斤均不納中國稅巴爾魯克山松檜參天
我以運道艱難不能採取反由俄人伐運來城銷售哈圖
山產白楊樺樹其脂能膠弓弧鑿鏃盤匣等器獨哈圖之
白楊河產楊木皆以運採不便遂失森林之利

金爲我所固有而或作或輟終無補於折閱是可惜也

志哈圖山金鑛自有新疆以來內地商民聚此開挖者幾
數萬人舊有十廠曰老蘭州灣曰新蘭州灣曰東新興工
曰西新興工曰老南工曰老東工曰察罕阿騰曰瑪納水
曰車路溝曰札工今各處頽垣敗井斷瓦破窰日其遺址
勢如大鎮溯詢十廠起訖荒遠難稽惟札工開辦最後咸
豐初有關內商民劉光和卜極明等五大幫聚此鑿挖公
舉劉光和爲首號金頭跟苗追鑿至五年之後始見鑛中
稍含明金顆粒所出尚不敷費資再越四年已形竭蹶嗣
到旺地清還積逋適同治三年逆回變亂塔城告急劉光
和等率鑛夫往援本境哈民乘機剽掠遂棄鑛逃避年遠
歲湮鑛洞積水深至九十餘丈後來之人無方出水是以
坐廢至光緒二十二年俄商來租前新疆巡撫饒公應祺
以專租不便保護奏請華俄合辦公置機碾於二十五年
興工一面運碾向往年所棄廢鑛一面在老洞左右轟炸

新井因未跟苗追鑿或遇舊洞或距苗綫太遠以致曠日持久用費過多毫無成效遂於二十八年冬停辦各攤賠銀一十二萬餘兩二十九年冬前巡撫潘公效蘇以廠所房屋機器等項棄置可惜復奏請設立寶新公司招集股本改爲官督商辦派施委員再萌住局惟地面所露寬綫脈絡概爲昔人用土法鑿挖殆盡舊洞水積益多仍運碾先年棄鑛三年以來僅獲金千餘兩除添機工用外尚虧短萬餘金而日形支絀遂於三十二年冬稟請停辦

新疆建置志卷二終